

地、

〔續日本紀^{二十}〕天平寶字二年八月庚子朔^{○中}皇太子^仁受禪即天皇位於大極殿、戊午^{○中}

遣左大舍人頭從五位下河內王、散位從八位下中臣朝臣池守、大初位上忌部宿禰人成等奉幣帛於

同勢^{○伊}大神宮及天下諸國神社等遣使奉幣、以皇太子即位故也、

〔日本紀略^{嵯峨}〕大同四年四月戊子、受禪即位於大極殿^{○中}、五月丙午朔、遣使奉幣諸國天神地祇、

爲即位也、

〔續日本後紀^{仁明}〕天長十年三月癸巳、天皇即位於大極殿、乙未、是日頒使諸國奉幣天神地祇、以有

即位事也、四月壬戌、遣從四位下行伊勢權守和氣朝臣眞綱、奉御劔幣帛於八幡大菩薩宮、及香椎

廟、告新即位也、

〔文德實錄^一〕嘉祥三年四月甲子、帝即位於大極殿、六月丁卯、遣散位從五位下利見王、神祇少祐正

六位上中臣朝臣稗守等於伊勢大神宮、告以即位之由、百官齋戒、廢務三日、

〔文德實錄^二〕嘉祥三年八月庚戌、遣使五畿七道班幣諸神、告以即位之由、大祓於建禮門前、以遣使也、

丁巳、遣右中辨從四位下藤原朝臣氏宗、向賀茂社、中宮亮正五位上藤原朝臣良仁、向松尾社、並告

以即位之由、

〔三代實錄^二〕貞觀元年正月十日丁卯、是日始奉天下諸社神寶、仍大祓於建禮門前、廿九日丙戌

大祓於建禮門前、以明日將發班幣諸使也、二月丁亥朔、遣使伊勢國大神宮及五畿七道班幣諸神、

告以即位之由、三十日丙辰、大祓於建禮門前、以明日可發奉幣八幡大菩薩使也、三月丁巳朔、遣

散位從五位下和氣朝臣巨範、向豐前國八幡大菩薩宮、奉幣帛財寶神馬等、告以即位之由也、

〔三代實錄^{三十}〕元慶元年正月三日乙亥、天皇即位於豐樂殿、二月廿三日乙丑、遣使伊勢大神宮、告

以天皇即位并下定齋內親王、告文曰、天皇^我詔旨止掛畏^岐伊勢度會^乃宮^乃五十鈴^乃河上^乃下津